

AKHBAR : HARIAN METRO

MUKA SURAT : 10

RUANGAN : LOKAL

Lelaki kena virus Zika

Sembilan kes dilapor dalam tempoh 4 tahun

Putrajaya

Jabatan Kesihatan Negeri Perak mengesan seorang lelaki yang disyaki dijangkiti virus Zika, Sabtu lalu.

Ketua Pengarah Kesihatan, Datuk Dr Noor Hisham Abdullah, berkata ia susulan Bahagian Kawalan Penyakit, Kementerian Kesihatan Malaysia menerima satu notifikasi membabitkan pesakit berusia 30 tahun mula mengalami gejala muntah dan cirit-birit.

Beliau berkata, pesakit mula mengalami gejala terbabit pada 26 September lalu, kemudian dimasukkan ke hospital pada keesokannya sebelum dipindahkan ke unit rawatan rapi (ICU) pada 29 September lalu.

"Ujian pengesahan dari Institut Penyelidikan Perubatan (IMR) kelmarin mendapati pesakit disahkan positif jangkitan virus Zika. Namun pesakit kini dalam keadaan stabil dan masih menerima rawatan.

"Ini menjadikan jumlah kes disahkan Zika adalah sebanyak sembilan kes dalam tempoh empat tahun iaitu lapan kes pada tahun 2016 dan terbaharu, satu kes Sabtu lalu," katanya dalam satu kenyataan, kelmarin.

Dr Noor Hisham berkata, penyakit Zika disebarluaskan oleh nyamuk aedes iaitu nyamuk yang sama menyebarkan penyakit demam denggi dan chikungunya.

Beliau berkata, pesakit akan mengalami ruam dengan dua atau lebih gejala lain iaitu demam, sakit badan, sakit sendi, sendi bengkak atau mata kemerahan.

"Tindakan kawalan sudah



Pesakit akan mengalami ruam dengan dua atau lebih gejala lain iaitu demam, sakit badan, sakit sendi, sendi bengkak atau mata kemerahan"

Dr Noor Hisham

VIRUS ZIKA

- Adalah virus bawaan nyamuk aedes
- Ditemui kali pertama di Uganda, sebuah negara di Afrika Timur pada 1947 yang dihadapi seekor monyet dalam kandang di Hutan Zika, dekat Danau Victoria
- Kes manusia yang pertama dikesan di Nigeria pada 1954 sebelum merebak ke Afrika, Asia Tenggara dan Kepulauan Pasifik
- Sejak Brazil melaporkan kes pertama jangkitan tempatan virus pada bulan Mei 2015, ia merebak ke 21 negara dan wilayah
- Pertubuhan Kesihatan Pan Amerika (PAHO) menjangkakan virus Zika akan terus merebak dan mungkin akan mencapai semua negara di mana nyamuk aedes ditemui
- Jangkitan virus Zika sudah merebak dengan begitu pantas sekali di benua Amerika

PENULARAN VIRUSINI KE MALAYSIA ADALAH TINGGI DI ATAS FAKTOR BERIKUT:

- Nyamuk penorbawa jangkitan ini ialah aedes
- Densiti nyamuk aedes di negara ini adalah sangat tinggi
- Tiada kes di Malaysia, jadi rakyat Malaysia amnya tidak mempunyai imuniti terhadap penyakit ini. Ini bermakna virus ini boleh merebak dengan pantas
- Seperti dengan, tiada vaksin dan ubat khusus untuk membunuh virus ini
- Dianggarkan 80 peratus tidak menunjukkan gejala dijangkiti, menjadikan mereka menjadi 'pembawa yang sihat' dan menyebarkan virus ini tanpa disedari

INFOGRAFIK Metro

dilaksanakan Pejabat Kesihatan Daerah dengan aktiviti Pemeriksaan Tempat Pembiakan Aedes, Larvasing untuk membuat jenitik-jenitik, pengeluaran notis Seksyen 8 bagi membersihkan tempat pembiahan berisiko dan semburan

ruang thermal.

"Pemantauan situasi penyakit Zika di seluruh negera melalui Bilik Gerakan Zika di Bilik Gerakan Denggi Kebangsaan (CPRC) dan Surat Pekeliling berkaitan juga diedarkan ke semua negeri," katanya.